



Жерлерді сақтап қою қағидаларын бекіту туралы

Қазақстан Республикасы Үкіметінің 2003 жылғы 29 қыркүйектегі N 993 қаулысы.

Ескерту. Тақырыбы жаңа редакцияда – ҚР Үкіметінің 02.03.2020 № 91 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

2003 жылғы 20 маусымдағы Қазақстан Республикасының Жер кодексіне сәйкес Қазақстан Республикасының Үкіметі қаулы етеді:

1. Қоса беріліп отырған Жерлерді сақтап қою қағидалары бекітілсін.

Ескерту. 1-тармақ жаңа редакцияда – ҚР Үкіметінің 02.03.2020 № 91 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

2. Қазақстан Республикасының Қоршаған ортаны қорғау министрлігі Қазақстан Республикасының Білім және ғылым министрлігімен, Денсаулық сақтау министрлігімен, Ауыл шаруашылығы министрлігімен, Қазақстан Республикасының Жер ресурстарын басқару жөніндегі агенттігімен, Қазақстан Республикасы Энергетика және минералдық ресурстар министрлігінің Атом энергетикасы жөніндегі комитетімен бірлесіп, құзыretі шегінде үш ай мерзімде топырақты ластайтын зиянды заттардың, зиянды микроорганизмдер мен басқа да биологиялық заттардың шекті жол берілетін шоғырлануының нормативтерін бекітсін.

3. Мыналардың күші жойылды деп танылсын:

1) "Азып-тозған, ластанған және бүлінген жерлерді алудың, қорғаудың, пайдаланудың және консервациялаудың тәртібі туралы ережені бекіту туралы" Қазақстан Республикасы Үкіметінің 1997 жылғы 16 маусымдағы N 976 қаулысы (Қазақстан Республикасының ПУКЖ-ы, 1997 ж., N 27, 242-құжат);

2) "Қазақстан Республикасы Үкіметінің кейбір шешімдеріне жер қатынастарын реттеу бойынша өзгерістер мен толықтырулар енгізу туралы" Қазақстан Республикасы Үкіметінің 2001 жылғы 29 тамыздағы N 1123 қаулысымен бекітілген Қазақстан Республикасы Үкіметінің кейбір шешімдеріне енгізілген өзгерістер мен толықтырулардың 4-тармағы (Қазақстан Республикасының ПУКЖ-ы, 2001 ж., N 30, 339-құжат).

4. Осы қаулы қол қойылған күнінен бастап күшіне енеді.

Қазақстан Республикасының

Премьер-Министри

Қазақстан Республикасы
Үкіметінің
2003 жылғы 29 қыркүйектегі
N 993 қаулысымен
бекітілген

Жерлерді сақтап қою қағидалары

Ескерту. Қағида жаңа редакцияда – ҚР Үкіметінің 02.03.2020 № 91 (алғашқы ресми жарияланған күнінен кейін күнтізбелік он күн өткен соң қолданысқа енгізіледі) қаулысымен.

1-тарау. Жалпы ережелер

1. Осы Жерлерді сақтап қою қағидалары (бұдан әрі – Қағидалар) топырақ құнарлылығын сақтау және қалпына келтіру, қоршаған ортаны жақсарту және халықтың денсаулығын қорғау мақсатында ауыл шаруашылығының тозған алқаптарын, шекті жол берілетін шоғырлануының және шекті жол берілетін әсер ету деңгейінің белгіленген нормативтерінен тыс химиялық, биологиялық, радиоактивті және басқа да зиянды заттармен, өндіріс және тұтыну қалдықтарымен, сарқынды сулармен ластанған жерлерді, карантиндік объектілермен, бөтен текті түрлер мен аса қауіпті зиянды организмдермен залалданған жерлерді (бұдан әрі – бүлінген жерлер) сақтап қою, сондай-ақ ядролық қару сынақтары жүргізілген жер участкерлерін алып қою және қорғау тәртібін белгілейді.

2. Осы Қағидаларда қолданылатын ұғымдар:

аса қауіпті зиянды организмдер – кезең-кезеңмен жаппай көбеюге және таралуға бейім, экономикалық, экологиялық залал келтіретін және үәкілдеп тұзғалған жерлердің тізбесіне енгізілген зиянкестер мен өсімдіктер аурулары;

биологиялық ластану – жерлердің бактериологиялық, гельминтологиялық, энтомологиялық және карантиндік ластануы;

бөтен текті түр – Қазақстан Республикасының флорасы мен фаунасында жоқ, пайда бола қалған жағдайда елеулі экономикалық және экологиялық залал келтіруі мүмкін, өсімдіктің және арамшөптің ауруын қоздыруышы жәндіктің түрі;

жерлерді сақтап қою – жерлерді шаруашылық айналымнан уақытша шығару;

жерлердің ластануы – антропогендік қызметтің нәтижесінде жерде шекті рұқсат етілетін зиянды заттар нормативтерінен асып түсетін, жердің құндылығын төмендететін, ауыл шаруашылығы өнімдерінің сапасын, қоршаған ортаның басқа да объектілерін, халықтың тұру жағдайын нашарлататын мөлшерде әртүрлі заттар мен организмдердің жинақталуы;

жерлердің тозуы – жердің табиғи ортаның элементі ретіндегі функциясының өзгеруіне, оның сандық және сапалық жағдайының нашарлауына, табиғи шаруашылық мәнінің төмендеуіне әкеліп соқтыратын процестер жиынтығы;

зиянды организмдер – топыраққа, өсімдікке және ауыл шаруашылығы өніміне теріс әсер ететін зиянкестер, арамшөптер және өсімдіктердің аурулары;

карантиндік объект – өсімдіктерге және өсімдік өніміне айтарлықтай зиян келтіруі мүмкін, Қазақстан Республикасының аумағында жоқ немесе шектеулі таралған, Еуразиялық экономикалық одактың карантиндік объектілерінің бірыңғай тізбесіне және (немесе) өсімдіктер карантині жөніндегі іс-шаралар белгіленетін және жүзеге асырылатын карантиндік объектілер мен бөтен текті түрлердің тізбесіне енгізілген өсімдіктер ауруын қоздырғыш зиянкес немесе арамшөп;

радиоактивті ластану – жерлердің радионуклидтермен, оның ішінде ядролық қаруды сынаудың, радиациялық авариялардың, ядролық қондырғылар жұмысының, иондауши сәулелену көздерін, радиоактивті заттар мен қалдықтарды сақтау және көму пункттерін пайдаланудың, сондай-ақ атом энергиясын пайдалануға байланысты өзге де қызметтің нәтижесінде ластануы;

химиялық ластану – топырақтың химиялық құрамының адамдардың өндірістік, ауыл шаруашылық, түрмистық немесе өзге де қызметтің салдарынан оның құнарлылығы мен сапасының төмендеуін тудыратын өзгеруі;

шаруашылық-түрмистық ластану – жерлердің топырақтың физикалық және химиялық қасиеттерінің жағымсыз өзгеруін тудыратын өндірістік қалдықтармен және сарқынды сулармен ластануы.

3. Осы Қағидалар пайдалы қазбалардың кен орындарын игеру, минералдық шикізаттың өнделген қалдықтарын жинақтау, қоқыс жинақтауыштар, күл-қож үйінділері, геологиялық барлау, іздестіру, құрылыш және өзге де жұмыстарды орындау үшін белгіленген тәртіппен берілген, пайдаланылуы олардың бүлінуіне байланысты болатын бүлінген (бүлінетін) жер участеклеріне қолданылмайды.

2-тарау. Бүлінген жерлерді анықтау, зерттең-қарау және сақтап қою

4. Бүлінген жерлерді анықтау жөніндегі жұмыстарды жүргізу үшін жер участексерінің меншік иесінің немесе жер пайдаланушының өтініш хаты, жергілікті атқарушы немесе өзге де құзыретті органның бастамасы негіз болып табылады.

5. Бүлінген жерлерді анықтауды белгіленген өкілеттіктері шегінде жергілікті атқарушы органдар, жерлердің пайдаланылуы мен қорғалуын мемлекеттік бақылау жөніндегі, қоршаған ортаны қорғау жөніндегі уәкілетті органдар және басқа да уәкілетті органдар жерлердің пайдаланылуы мен қорғалуын мемлекеттік бақылауды жүзеге асыру тәртібімен немесе арнайы далалық зерттең-қарау нәтижесінде жүргізеді.

6. Облыстың (республикалық маңызы бар қаланың, астананың) атқарушы органы жерлердің ластану деңгейі мен бүліну дәрежесін белгілеу, келтірілген залалды айқындау, бүлінген жерлерден болған салдарды жою мақсатында арнайы комиссия (бұдан әрі – комиссия) құрады.

Комиссияның құрамына облыстың (республикалық маңызы бар қаланың, астананың) жер қатынастары және жердің пайдаланылуы мен қорғалуын бақылау жөніндегі, қоршаған ортаны қорғау жөніндегі уәкілетті органдарының, санитариялық-эпидемиологиялық қызметтің, ауыл шаруашылығы және басқа да құзыретті органдар мен ұйымдардың мамандары кіреді.

7. Комиссия екі ай мерзімде жиналған материалдарды жинап, талдайды және жер ресурстарын басқару, қоршаған ортаны қорғау жөніндегі органдардың және басқа да уәкілетті органдардың нормативтік-нұсқаулық құжаттары мен әдістемелік нұсқауларына сәйкес бұзылған жерлердің ластану деңгейін анықтау мақсатында аумақты тексереді.

Колда бар материалдар жеткіліксіз болған жағдайда комиссия тиісті мемлекеттік органға қосымша зерттеулер жүргізу қажеттігі туралы ұсыныс енгізеді.

Комиссияның, деңсаулық сақтау, ғылым және ғылыми-техникалық қызмет және білім беру саласындағы уәкілетті мемлекеттік органдардың қорытындылары аумақты зерттеу материалдарымен бірге Қазақстан Республикасының заңнамасында көзделген тәртіппен және мерзімдерде экологиялық сараптама жүргізу үшін қоршаған ортаны қорғау саласындағы уәкілетті органға беріледі.

8. Жерлердің ластану деңгейі Қазақстан Республикасының заңнамасында белгіленген тәртіппен бекітілген топырақты ластавтын зиянды заттардың, зиянды микроорганизмдердің және басқа да биологиялық заттардың шекті жол берілетін шоғырлануының нормативтеріне сәйкес анықталады.

9. Комиссияның зерттеп-қарау материалдары комиссияның барлық мүшелері қол қойған қорытындыда жинақталып қорытындылануы тиіс.

Корытындыда:

меншігінде немесе пайдалануында бүлінген жер участкесі бар тұлғаның деректері;

жердің бүлінуіне әкеп соққан объектілер;

егер жерлерді ластаған, бұлдірген, ауру жүктірган тұлға анықталса, оның деректері;

бүлінген жерлердің түрі мен алаңы (орналасқан орнын схемада бұрыш координаттарымен нақтылап);

жердің сапалық жай-күйі бойынша бүлінген жерлердің дәрежесі;

жер ресурстарына келтірілген залалды бағалау;

халықтың денсаулығына қауіпті бағалау;

бұлінген жерлерді қалпына келтіру бойынша ұсынылатын іс-шаралар, пайдаланудың нысаналы мақсатын өзгерту немесе пайдаланудың арнайы режимін белгілеу не шаруашылық айналымынан толық шығару ұсынылатын жер участекерін бөле отырып, бұлінген жерлерді одан әрі шаруашылықта пайдалану жөніндегі іс-шаралар көрсетіледі.

10. Бұлінген жерлердің топырағының құнарлылығын қалпына келтіру мүмкін болмаған жағдайда, жерді сақтап қою жүргізіледі.

11. Жер қатынастары жөніндегі уәкілетті орган (республикалық маңызы бар қаланың, астананың) бір айы мерзімде комиссия қорытындысы, экологиялық сараптама және жерді зерттеп-қарау материалдары негізінде қоршаған ортаны қорғау жөніндегі, мемлекеттік санитариялық-эпидемиологиялық қызмет, ауыл шаруашылығы аумақтық және басқа да уәкілетті органдармен келісілген бұлінген жерлерді одан әрі пайдалану (нысаналы мақсатын өзгерту; пайдаланудың арнайы режимін белгілеу; жерлерді сақтап қою; шаруашылық айналымнан толық шығару) туралы шешімнің жобасын дайындайды және оны облыстың (республикалық маңызы бар қаланың, астананың) атқарушы органының бекітуіне енгізеді.

Жерді сақтап қою туралы қабылданған шешімнің негізінде жерге орналастыру жобасы әзірленеді, онда жерді сақтап қою мерзімдері, жердің бұзылуының алдын алу, топырак құнарлылығын және ластанған аумақтарды қалпына келтіру жөніндегі іс-шаралар, оларды жүргізуіндегі кезектілігі, сондай-ақ аталған іс-шаралар аяқталғаннан кейін жерді пайдалану жөніндегі ұсыныстар айқындалады.

12. Сақтап қоюға жататын жер участекері азаматтық заңнамаға сәйкес оларды сақтап қою кезеңіне жер участекерінің меншік иелерінен немесе жер пайдаланушылардан алынады және тиісті аудандық атқарушы органдардың босалқы жерлерінің құрамына ауыстырылады.

Жер участекерінің меншік иелері мен жер пайдаланушыларға жерлерді сақтап қоюға байланысты келтірілген шығындар Жер кодексінде көзделген тәртіппен өтелуге тиіс.

13. Сақтап қою жағдайындағы жер участекерінің шекаралары жергілікті жerde арнайы белгілермен белгіленеді. Облыстың (республикалық маңызы бар қаланың, астананың) атқарушы органы бұл жерлер бойынша шаруашылық қызметке жол бермеу мақсатында оларды қорғауды қамтамасыз ететін режим белгілейді.

З-тарау. Ядролық қару сынақтары жүргізілген жер участекерін алыш қою және қорғау

14. Ядролық қару сынақтары жүргізілген жерлерді босалқы жерлердің құрамына ауыстыру туралы материалдарды тиісті облыстық атқарушы органдардың өтінішхаты бойынша жер ресурстарын басқару жөніндегі орталық уәкілетті орган қоршаған ортаны қорғау және атом энергиясын пайдалану жөніндегі мемлекеттік органдармен бірлесіп дайындауды және Қазақстан Республикасы Үкіметінің қарауына жолдайды.

15. Ядролық қару сынақтары жүргізілген жер участкерлерін ядролық қаруды сынаудың зардаптарын жою жөніндегі барлық іс-шаралар және кешенді экологиялық зерттең-қарау аяқталғаннан кейін мемлекеттік санитариялық-эпидемиологиялық және экологиялық сараптаманың оң қорытындысы болған кезде ғана Қазақстан Республикасының Үкіметі жеке меншікке немесе жер пайдалануға беруі мүмкін.

Кешенді экологиялық зерттең-қарау жұмыстарының құрамын, әдісін, сондай-ақ орындаушысын атом энергиясын пайдалану саласындағы уәкілетті мемлекеттік орган қоршаған ортаны қорғау жөніндегі орталық атқарушы органмен келісу бойынша айқындауды.